



Universitätsbibliothek Paderborn

Diplomatvm Belgicorvm Libri Dvo

Le Mire, Aubert

Brvxellis, 1627

48. Prioratus S. Georgij, prope Hesdinum Artesiae opidum, Abbatiae Aquicinctinae attribuitur: & à Paschali II. Papa id confirmatur an. 1112.

urn:nbn:de:hbz:466:1-10903

Iigiosa conuersatione & eremitica tua , reuerendissime frater & conpresbyter Odo , desiderio desideramus paci & quieti tuae , tam præsentibus temporibus quam & futuris , prouidere.

Vnde iustas petitiones tuas , & Balduini Decani nostri pio affectu prosequentes , & te & successores tuos , religiose & canonice inibi victuros , hac donamus libertate , ut tantummodo Episcopo respondeatis , & in manu eius , in libertate spiritus permaneat.

Ecclesiam itaque illam , quam deuotio tua ædificauit in loco solitudinis , qui dicitur Ajulcurtis , tibi & successoribus tuis , in proposito religionis perseverantibus , liberè possidendam contradimus , & curam animarum confratrum tuorum eremitarum tibi committimus , & decimam agri eidem ecclesiæ circumiacentis , quam fratres eremitiæ incolunt , annujimus .

Rogamus autem in Domino tam præsentes fratres nostros , quam & successores Episcopos nostros , & sanctorum Canonum auctoritate interdicimus & nostra , ne quis hoc donatiuum libertatis violare aut corrumpere præsumat . Si quis scienter hujus nostræ institutionis priuilegium infregerit , excommunicationi subiaceat , quoad usque resipuerit , & Ecclesiæ Dei satisfecerit . Fiat , fiat , à Synodo acclamatum .

Actum Atrebati in Synodo in Ecclesia B. Mariæ semper Virginis , anno Dei Christi M. CI. Indictione VII. XVII. Kal. Nouembri.

N O T A T I O .

Odo) auctor seu fundator Abbatia & Congregationis Aroasiensis , itemque monasterij Aquarum curtarum , quod Eaucourt vulgo nuncupant . Vide supra cap. 45 .

C A P V T X L V I I I .

Prioratus S. Georgij , prope Hesdinum Artesia opidum , Abbatia Aquicinctina attribuitur , & à Paschali II. Papa id confirmatur , anno III 2 .

P ASCHALIS Episcopus , seruus seruorum Dei , dilecto filio Alvise , Abbatii Aquicinensis monasterij , eiusque successoribus regulariter substituendis .

N

Officij

Officij nostri nos hortatur auctoritas, pro ecclesiarum statu sollicitos esse, & quæ rectè statuta sunt, stabilire. Proinde venerabilis fratris nostri Ioannis Morinensis Episcopi cessionem vobis vestro-que monasterio factam, litteris præsentibus confirmamus.

Is enim B. Georgij martyris ecclesiam, iuxta caltrum Hesdinium sitam, tibi tuisque successoribus, in cellam omni tempore possiden-dam concessit, & assertione chirographi confirmauit, cum omnibus videlicet terris, pratis, siluis, aquis & molendinis, vel alijs qui-buscumque reditibus, quæ tam ab INGELRAMNO Comite, & Ernulfo Hesdinensi, & Nicolao milite, quam & ab alijs fidelibus eidem ecclesiæ collata sunt. Siquidem idipsum prædecessor suus, bonæ memoriæ Gerardus, Canonicorum ecclesiæ suæ consilio & volun-tate, concederat.

Idipsum igitur & nos præsentis decreti, auctoritate sancimus, fal-ua nimirum Teruanensis ecclesiæ iustitia, sicut supradicti Episcopi chirographo delibatum agnoscitur. Altaria quoque duo, scilicet de Fraisnoith & Huby, sicut ab eodem Episcopo supradictæ ecclesiæ S. Georgij concessa sunt, concedimus, & decreti præsentis auctorita-te firmamus.

Porrò sepulturam eiusdem loci ab omni exactione liberam fore decernimus, ut eorum, qui illic sepeliri deliberauerint, deuotioni & extremæ voluntati, nisi forte sint excommunicati, nullus ob sistat....

Data Laterani XIII. Kal. Julij Indictione V. Incarnationis Do-mini. minicæ anno M. C. XII.

N O T A T I O.

S. GEORGII) cella seu Prioratus, anno 1072. ab Ingelramno Comite, Ernulfo Hesdinensi, & Nicolao Equite fundatus ac dor-tatus, hodieque floret, haut procul à ruinis seu ruderibus veteris opidi Hesdinensis, quod patrum memoria nostri exciderunt; Hes-dinio nouo à fundamentis, loco commodiore, contra Francos ex-citato.

CAPVT